

## **Iluarsiissut**

Siunnersuummut 15. august 2023-meersumut nassuiaatit taarserpai  
(Inatsisitigut periutsit malillugit oqaatsitigullu iluarsiissutit ilanngunneqarput)

Siunnersuummut nassuiaatit

### **Siunnersuummut nassuiaatit nalinginnaasut**

#### **1. Aallaqqaasiut**

1.1. Siunnersuummut pingaarnertut tunuliaqutaasut

Siunnersuut arlalinnik siunertaqarpoq.

Siullertut siunnersuutip siunertaa tassaavoq ilinniartuq ilinniarnermi nalaani toquppat, aappaasoq inooqataasorluunniit kiisalu meeqqat qimataasut inissiamik allamik nassaarnissamut pisariaqartumik piffissalernissaasa qulakkeerqarnissaa.

Siunnersuutip aammattaaq siunertaraa ilinniartunut inissiami najugaqartumut attartornermik isumaqatigiisummik Naalakkersuisut atorunnaarsitsinissaat pillugu saneqqussinissaq, ilinniartunullu inissiami najugaqartoq taamaalilluni ilinniarnermik naammassinninnerup kingorna kingusinnerpaamik ulluinaat qulit qaangiutsinnagit ilinniartunut inissiamiit anisariaqarsimassalluni. Ilinniarnernup naammassinerata kinguninngua ilinniartunut inissiaqarunnaarnertik pissutigalugu soraarummeerluni naammassinninnermi ilinniartup peqataasinnaanera allannguissamut siunnersuutip qulakkiissavaa.

Siunnersuutip aammattaaq siunertaraa erseqqissarneqassammat ilinniartunut ilinniarnermut atatillugu suliffimmiikkallartunut imaluunniit atuarfimmiikkallartunut ilinniartunut inissiap atugassangortinnissaanut ilinniartuq pisussaaffeqarmat, ilinniartut ineqarfianni najugaqartup inoqutigisaani najugaqartut tarmarmik ilinniartuq suliffimmiikkallarnissaanut imaluunniit atuarfimmiikkallarnissaanut ilagippassuk.

Tamatuma saniatigut ilinniartut ineqarfii pillugit inatsisip oqaasertaani kalaallisut allanneqarnerani oqaatsitigut tulluanngittoqartoq paasineqarsimalluni. Oqaatsini marlunni assigiimmik oqaasertaqarnissaanik siunniussisunik allannguinerit pineqarput. Siunnersuut taamaallaat kalaallisoortaani oqaatsitigut allannguinermik kinguneqarpoq, inatsisartut inatsisaanni danskisoortaani oqaatsitigut allannguisoqarnani.

#### **2. Siunnersuummi immikkoortut pingaarnerit**

a) Inatsisit atuuttut

Inatsit atuuttoq tassaavoq ilinniartut ineqarfii pillugit Inatsisartut inatsisaat nr. 42, 12. december 2019-imeersoq Inatsisartut inatsisaatigut nr. 3, 25. maj 2022-imeersukkut allanngortinneqartoq.

Inatsit pingaarneq taassumalu allannguutaa ilinniartut ineqarfii pillugit Inatsisartut inatsisaat pillugu

Namminersorlutik Oqartussat nalunaarutaanni nr. 8, 14. juuli 2022-imeersumi ataatsimut allanneqarsimapput.

Ilinniartut inaanni najugaqartoq ilaqttani ilagalugit illoqarfiup ilinniarfiusup avataani ilinniarnermut atatillugu suliffimmiikkallarpat imaluunniit atuarfimmiikkallarpat, najugaqanngikkallarnerlu qaammatit 2-t sinnersimallugit sivisussuseqarpat, ilinniartut inaat Naalackersuisunut atugassanngortinnissaanut ilinniartut inaanni najugaqartoq pisussaaffeqanngilaq. § 34, imm. 1-imi aalajangersagaq atuuppoq, apeqqutaanani inoqutigiit tamarmik ilinniartut inaanni najugaqartoq peqatigalugu taassuma ilinniarnermut atatillugu suliffimmiikkallarfanut imaluunniit atuarfimmiikkallarfanut peqataasimanersut. Taamaattumik pisoqartarpoq ilinniartut inaanni najugaqartoq illoqarfiup ilinniarfiusup avataani ilinniarnermut atatillugu suliffimmiikkallarloni imaluunniit atuarfimmiikkallarloni, aamma illoqarfimmi ilinniarfiusumi ilinniartut inaanni pisattaminut toqqorsivittut tigummiinnarlugu, piviusumik ilinniartunut inissianik amigaaqartoqaraluartoq.

Ilinniartumut avataaneersumut inimik pisariaqartitsisumut ilinniartut inaannik atugassiissuteqarallartarnera tamanut atuuppoq. Ilinniartuq taannaavoq attartornissamik isumaqatigiissusiortoq, ilaqqat angalaqataasut ilinniartuq najugaqatigalugu. Ilinniartuq ilinniartut inaanni najugaqarnissamut piumasaaqatinik naammassinnikkunnaarpat, tak. § 2, ilinniartuq ilaqaatalu peqataasut ilinniartut inaanni najugaqarsinnaajunnaassapput. Pisuni amerlanerni taanna ajornartorsiutaaneq ajorpoq, tassa ilinniartuq ilaqaatalu angalaqataasut namminneq inimik allamik nassaartarmata.

Ilinniarnerp naammassineqarnissaanut naleqqiullugu § 38, imm. 2-mit takuneqarsinnaavoq ilinniartup ilinniarnini, atuarfimmiinnini, ilinniarnermut atatillugu suliffimmiinnini naammassiguniuk imaluunniit ilinniarnini unitsippagu, ilinniartup ilinniartut inaannit ilinniarnerp, atuarfimmiinnerup imaluunniit ilinniarnermut atatillugu suliffimmiinnerup imaluunniit unitsinerup kingorna kingusinnerpaamik ullut qulit qaangiutsinnagit qimassimassavaa. Aalajangersakkamit takuneqarsinnaasumik piffissami sivisunerusumi najugaqaannarnissamut periarfissaqanngilaq. Tamatumunnga tunngavilersuutaasoq tassaavoq ilinniartut inaat isumalluutaammata killeqartut, ilinniarnermik ingerlataqartunut ilinniartunut naatsorsuussat. Tamatuma kinguneranik ilinniartumut toqkukut qimaguttumut qimataasut taamaattumik piffissaliussap taassuma iluani ilinniartut inaannit anisimasussaapput.

§ 38, imm. 2-mi aalajangersagaq aamma ilinniarnerp naammassinerata kingorna soraarummeerloni naammassinermi ilinniartup peqataasinnaaneranut akornusiisinnaavoq, tassa ilinniarnerp naammassineraniit kingusinnerpaamik ullunnaat qulit kingorna ilinniartup ilinniartut inaat qimassimassagaa aalajangersakkami aalajangersarneqarmat.

#### b) Siunnersuut

Siunnersuummi pingaarnertit tassaapput qaammatinit 2-t sivisunerusumik peqanngikkallarnermi ilinniartut inaat Naalackersuisunut atugassanngortinnissaanik pisussaaffiup, ilinniartup

toquneratigut ilinniartunut inissiami najugaqaannarallarnissamut periarfissap kiisalu ilinniartup ilinniarnermik naammassinninnerani ilinniartut inaat atorunnaarnissaanut Naalakkersuisut pisussaaffiannik saneqqussinissamut periarfissap, taamaalilluni ilinniartup soraarummeerluni naammassinermi peqataasinnaanerata erseqqissarneqarneri.

*Ilinniartut inaat ilinniarnermut atatillugu suliffimmiikkallarnej imaluunniit atuarfimmiikkallarnej pequtigalugu najunngikkallarnerani atugassiissutiginnissaanut pisussaaffik*

Siunnersuummi siunertaq tassaavoq qaammatinik 2-nik sivisunerusumik illoqarfiup ilinniarfiusup avataani ilinniartoq ilinniarnermut atatillugu suliffimmiikkallarnerani imaluunniit atuarfimmiikkallarnerani ilinniartut inaat Naalakkersuisunut atugassanngortinnissaanut pisussaaffiup aamma ilinniartumut ilaqtutani ilagalugit illoqarfiup ilinniarfiusup avataani ilinniarnermut atatillugu suliffimmiikkallarnerani imaluunniit atuarfimmiikkallarnerani atuunneranik erseqqissaaneq.

Ilinniarnermut atatillugu suliffimmiikkallarnej imaluunniit atuarfimmiikkallarnej pissutigalugu najugaqanngikkallarnermut atatillugu ilinniartut inaat atugassanngortinnissaanut pisussaaffimmik erseqqissaanermi siunertaq tassaavoq ilinniartut inaat sapinngisamik pitsaanerpaamik atorpeqarnissaat. Ilinniartut inaanni najugaqartoq, ilinniartut inaannik Naalakkersuisunut atugassanngortitsisoq § 34, imm. 3 naapertorlugu Naalakkersuisut aaqqinerisigut pisattani toqqorsimatissinnaavai, ilinniartut inaat atugassanngortinneqarsimasoq pequtsersorneqarsimanngippat. Ilinniartoq illoqarfimmumut ilinniarfiusumut uteqqippat ilinniartut inaanni najugaqartup ilinniartut inaannik atugassinneqaqqissaaq. Ilinniartunut inissiaq isumalluutaavoq killeqartoq ilinniartullu ilaannut inissiatut pilerinartuulluni, tassa ilinniartut inaannut ineqarnermut akiliut akikitsuummat.

*Ilinniartup toqunerani ilinniartunut inissiamik najugaqaannarnissamut periarfissaqarneq*

Aamma ilaqtut qimataasut ilinniartut inaanni qaammatit 4-t tikillugit najugaqaannarnissamut periarfissaqarnissaat siunnersuutigineqarpoq.

Qaammatit 4-t tikillugit piffissamik killiliineq § 4, imm. 6-imut atatillugu isigineqassaaq, ilinniartut inaanni najugaqartoq tamatumunnga malittarisassanik atuuttunik naammassinninngikkaluartoq ilinniagaqartutut isigineqarsinnaanera ilinniarfimmitt uppersarneqarpat, ilinniartoq ilinniarnermik ingerlataqarnermik piumasaqaatinik naammassinninngikkaluarluni, piffissaq qaammatit 4-t tikillugit ilinniartunut inissiami najugaqaannarnissamut ilinniartoq periarfissaqarluni.

Ilaqtariit qimataasut, ilinniartut inaannik atugassinneqarnissamik imaluunniit tiggummiinnarnissaanut nammineq naammassinninngikkaluartut, qaammatit 4-t tikillugit ilinniartut inaanni najugaqarnissamut periarfissinneqarneranni, ilaqtariit qimataasut inoqutigiinni aamma meerartaqarsinnaasut eqqarsaatigineqarput. Aalajangersakkami siunertaq tassaavoq, ilinniartoq toquppat, ilaqtariit qimataasut inimik allamik nassaarnissamut pisariaqartumik piffissalernerneqarnissaat. Ilinniartoq toquppat, pissutsit isumagineqartussat arlalissuusarput, kisianni

ullut qulit ingerlaneranni inimik allamik nassaarnissaq aappaasumut imaluunniit inooqataasumut, toqusumik annaasaqarluni aliasuttumut, piffissaq sivikippallaarujussuurtutut isigineqarpoq.

Qaammatit 4-t tikillugit ilinniartut inaanni najugaqaannarnissamut periarfissaqarneq ilaqutariinnut qimataasunut ilinniartut inaanni najugaqartoq peqatigalugu najugaqartunut tamaaallaat atuuppoq.

*Ilinniartup ilinniarnerninik naammassisimanerani ilinniartut inaat atorunnaarsinneqarnissaanut Naalakkersuisut pisussaaffiani saneqqussinissamut periarfissaqarneq, ilinniartuq taamaalilluni soraarummeerluni naggataarnermi peqataasinnaalluni.*

Kiisalu siunnersuutigineqarpoq ilinniartut inaanni najugaqartumik attartornermik isumaqatigiisummik Naalakkersuisut atorunnaarsitsisinnaanerat taamaalilluni ilinniarnernup naammassineraniit kingusinnerpaamik ulluinaat qulit kingorna ilinniartunut inissiap qimanneqartussaanaera pillugu § 38, imm. 2-mi piimasaqaammik saneqqussinissamik periarfissiisoqassasoq.

Ilinniarnernup naammassinerata kinguninngua ilinniartunut inissiaqarunnaarnertik pissutigalugu soraarummeerluni naggataarnermi peqataasinnaanissaat allannguutissamut siunnersuutip qulakkiissavaa.

### **3. Pisortanut aningaasaqarnikkut allaffissornikkullu sunniutissat**

Siunnersuut immiini pisortanut aningaasartuuteqarnerulernermik sunniuteqassanngitsoq nalilerneqarpoq.

Ilinniartut ilaquuttaminnik najugaqateqartut, ilinniarnermi nalaanni toqusartut ikittuararsuusut naliliisoqarpoq. Taamaattumik malittarisassanik allannguutissatut siunnersuut, tassa ilaqutariit ilinniartup toqunerata kingorna ilinniartunut ineqarfimmi najugaqaannarsinnaanerata ilinniartunut inissaqassutsimut ukiumut qaammatit ikittuinnarnut taamaallaat kinguneqassaaq.

Illoqarfimmit ilinniarfiusumit allaanerusumi illoqarfimmi allami ilaquuttani ilagalugit ilinniartut inaanni najugaqartoq ilinniarnernut atasumik suliffimmiikkallarneranut imaluunniit atuarfimiikkallarneranut naleqqiullugu, atugassanngortitsinermi ilinniartut inaat pequsersugaasimangippat, ilinniartut inaanni najugaqartup pequtaasa toqqorsimaneranut naleqqiullugu Naalakkersuisunut aningaasartuutaassaaq. Aningaasartuut taanna pissutsini ulaperuttorfiusuni avataani attartornernut aningaasartuutinik sipaaruteqarnernit naapertuutissaaq, tassani attartugaq Naalakkersuisunut atugassanngortinneqarnerata malitsigisaanik avataaneersumik attartornissaq pisariaqarsimalluni.

Soraarummeerluni naggataarneq ilinniarnernup naammassinerata kinguninngua nalinginnaasumik ingerlanneqartarpoq. Taamaattumik ilinniartut ineqarfiini ineqarnerup nalinginnaasumik sivikitsumik sivitsorneqarnissaa taamaallaat pineqarpoq.

### **4. Inuussutissarsiortunut aningaasaqarnikkut allaffissornikkullu sunniutissat**

Siunnersuut inuussutissarsiutinik ingerlatalinnut aningaasaqarnikkut allaffissornikkullu sunniteqartoqarnaviangitsoq nalilerneqarpoq.

#### **5. Avatangiisinut, pinngortitamut inuillu peqqissusaannut sunniutissat**

Siunnersuut avatangiisinut pinngortitamullu sunniteqartussaangitsut nalilerneqarpoq. Naliliisoqarpoq inuit peqqissusiannut naleqqiullugu siunnersuut pitsaasuusooq, tassa piffissami ilinniartup toqunera pissutigalugu annertuumik allanngorfiusumi aappaasumut inooqataasumulluunniit meeraqarsinnaasumut qimataasunut toqqissisimanarnerussammat.

#### **6. Innuttaasunut sunniutissat**

Ilinniartunut inissiami inoqutiginni ilaasortat qimataasunut qaammatit 4-t tikillugit ilinniartunut inissiami najugaqaannarsinnaaneq iluaqutaassaaq. Piffissami ilungersunartumi inissaqarnikkut pissutsinik allatut aaqqiinissamut piffissaq naammattoq nalilerneqarpoq.

Ilinniartut aappaminnik imaluunniit inooqatiminnik najugaqateqartut immaqalu meerallit, ilinniarnermi nalaanni toqusartut ikittuararsuusut naliliisoqarpoq. Ilinniartunut inissiamik qinnuteqarnissamut ilinniartunngortussap qinnuteqarnissamut periarfissaqarneranik malunnaatilimmik kinguneqartitsinissaa nalilerneqanngilaq, aappaasunut inooqataasunulluunniit qimataasunut ilinniartunut inissiamik atugaqartariaqartut ukiumut ikittuinnaammata.

#### **7. Sunniutaasussat pingaernerit allat**

Siunnersuut allanik malunnaatilinnik sunniteqarnaviangitsoq nalilerneqarpoq.

#### **8. Pisortanik, suleqatigiiffinnik allanillu tusarniaaneq**

Siunnersuut piffissami 30. juni-imiit 28. juli-mut 2023-imi tusarniaanernut isaaffikkut pissarsiarineqarsinnaasimavoq, tusarniaanermullu peqataasunut nassiunneqarsimalluni, takuuk ilanngussaq 2.

## Siunnersuummi aalajangersakkanut ataasiakkaanut oqaaseqaatit

### § 1-imut

#### Nr. 1-imut

Aalajangersakkami taaguut "ilinniartuq avataaneersoq" nassuiarneqarpoq qallunaatuuanilu ilinniartullu pillugit inatsimmit atuuttumit allanngortinnagu ingerlateqqinneqarluni. Taamaalilluni siunnersuut kalaallisuuani taamaallaat allannguuteqartinneqarpoq, taaguutip ("kipitinneqanngitsumik") ilanngunneqarsimanninnera paasineqarsimammat. Tamanna assigiinngissut siunnersuutitigut iluarsineqarpoq.

#### Nr. 2-mut

Aalajangersagaq nutaajuvoq ilinniartumullu toqusumut aappaasoq inooqatigisarluunniit qimataasut qaammatit sisamat tikillugit ilinniartunut inissiami najugaqaannarnissaannut tunngavissiilluni.

Maannakkut toqusumut aappaasup inooqataasulluunniit ilinniartunut ineqarfik namminneq tigusissaanut pisinnaatitaanngillat, aappaasoq inooqataaluunniit qimataasut namminneerlutik ilinniakkamik ingerlataqanngikkunik taamaattumillu kapitali 2-mi piumasagaatinik naammassinninngikkunik.

Ilinniartut inaanni qaammatit 4-t tikillugit najugaqaannarnissamut piffissami periarfissaqarneq § 4, imm. 6-imut atatillugu isigineqassaaq, taanna malillugu ilinniarnermik ingerlataqarneq pillugu piumasagaatinik naammassinninngitsoq ilinniartuq immikkut pisoqartillugu ilinniartut inaanni najugaqaannarnissamut periarfissaqarluni. Qaammatinik 4-nik piffissaq ilaqutariit qimataasut inissiamik allamik nassaarnissaannut piffissatut tulluurtutut isigineqarpoq.

#### Nr. 3-mut

Aalajangersakkami ilinniarnermut atatillugu inissaqarnermut pisariaqartitsivittoqarnissaa pineqarpoq, danskisuuani allanngortinnagu ingerlateqqinneqarpoq. Taamaattumik siunnersuut taamaallaat kalaallisuuani allannguutinik imaqarpoq, matumani (oqaluummumut "-sinnaavoq"-mut tunngatillugu) naapertuutinngitsoqarnera paasineqarsimalluni. Tamanna assigiinngissut siunnersuutitigut iluarsineqarpoq.

#### Nr. 4-mut

Aalajangersakkami pineqarpoq ilinniartunut inissiamik atugassanngortitsinermut imaluunniit tigungmiinnarnissaanut naleqquttunik paasissutissanik tamanik Naalakkersuisunut nalunaaruteqarnissamut ilinniartup pisussaaffeqarnera, aamma danskisuaa allanngortinnagu ingerlateqqinneqarluni. Taamaattumik siunnersuut taamaallaat kalaallisuuani allannguutinik imaqarpoq, matumani (taaguummumut "naalagaaffimmi innuttaaneq"-mut aamma "ilaqutariinni killiffik"-mut tunngatillugu) naapertuutinngitsoqarnera paasineqarsimalluni. Tamanna assigiinngissut siunnersuutitigut iluarsineqarpoq.

#### Nr. 5-imut

Aalajangersakkami ilinniartunut ineqarfiup tunniunneqarnerani inoqutigiit annertussusiisa eqqarsaatigineqarneri pineqarpoq danskisuuani allanngortinnagu ingerlateqqinneqarpoq. Taamaattumik siunnersuut taamaallaat kalaallisuuani allannguutinik imaqarpoq, matumani (oqaaseeqqamut "-pat"-mut tunngatillugu) naapertuutinngitsoqarnera paasineqarsimalluni. Tamanna assigiinngissut siunnersuutitigut iluarsineqarpoq.

#### Nr. 6-imut

Aalajangersakkami pineqarpoq ilinniartut inaannik misissuinissamut Naalakkersuisut periarfissaqarnerat danskisuuani allanngortinnagu ingerlateqqinneqarpoq. Taamaattumik siunnersuut taamaallaat kalaallisuuani allannguutinik imaqarpoq. Tamanna assigiinngissut siunnersuutitigut iluarsineqarpoq.

#### Nr. 7-imut

Aalajangersagaq atuuttoq malillugu ilinniartut inaanni najugaqartoq, illoqarfiup ilinniarfiusup avataani ilinniarnermut atasumik suliffimmiikkallartoq imaluunniit atuarfimmiikkallartoq, peqannginnermi nalaani ilinniartut inaat Naalakkersuisunut atugassanngortinnissaanut pisussaaffeqarpoq. Tamannali atuutissanngilaq ilinniartup illoqatigisaani inoqutigiinni ilaappata, tassaasut meeqqat 18-it inorlugit ukiullit, aapparisaq imaluunniit inooqatigisaq, ilinniagaqarnerisuteqarnermut malittarisassat atuuttut naapertorlugit akiliunneqarlutik angalasinnaatitaasut.

Paasineqarpoq ilinniartut inaat pisut ilaanni, ilinniartoq ilaquuttani ilagalugit najugaqartoq ilaquuttani ilagalugit illoqarfiup ilinniarfiusup avataani ilinniarnermut atasumik suliffimmiikkallarnerani imaluunniit atuarfimmiikkallarnerani najugaqarfigineqarneq ajortut. Aalajangersagaq atuuttoq naapertorlugu ilinniagaqartoq inimi Naalakkersuisunut atugassanngortinnissaanut pisussaaffeqanngilaq taamaalillunilu pigisami ilai qimatani ilinniartut inaanniitissinnaallugit peqatigisaanillu ilinniartup ilinniarnermut atatillugu suliffimmiikkallarfigisaani imaluunniit atuarfimmiikkallarfigisaani illoqarfimmi ilinniartut inaannik atugassinneqarluni. Taamaalilluni ilinniartoq ilinniartut inaannik marlunnik atugassaqarluni, sumiiffimmi ataatsimi ilinniartut inaannik ataasiinnarmik piviusumik pisariaqartitsilluni.

Taamaattumik siunnersuutigineqarpoq ilinniartunut inissiami najugaqartoq illoqarfiup ilinniarfiusup avataani ilinniarnermut atatillugu suliffimmiikkallartoq imaluunniit atuarfimmiikkallartoq ilinniartunut inissiani Naalakkersuisunut atugassanngortinnissaanut pisussaaffeerunnissaa, inoqutigiit tamarmik ilinniartup suliffimmiikkallarfigisaanut atuarfimmiikkallarfigisaanullu peqataannginnissat piumasaqaataassoq.

Ilinniartut kisimiillutik suliffimmik misiliartortut atuariartortulluunniit (imaluunniit inoqutigiit ilaannaanit ilagineqartut), inoqutigiit ilinniartunut inissiami najugallit, ilinniagaqarnerisutit pillugit nalunaarummi malittarisassat matumunnga tunngasut naapertorlugit akiliunneqarlutik angalasinnaatitaasunik 18-it inorlugit ukiulinnik meerartaqarpata, aappaqarpata

inooqatigisaqarpataluunniit ilinniartunut inissiap Naalakkersuisunut atugassanngortinnissaanut suli pisussaataaassanngillat.

Nr. 8-mut

Aalajangersakkami ilinniartunut inissiami najugaqartup tungaaniit ilinniartunut inissiap taamaatinneqarnera pineqarpoq danskisuuani allanngortinnagu ingerlateqqinneqarpoq. Taamaattumik siunnersuut taamaallaat kalaallisuuani allannguutinik imaqarpoq, matumani (taaguutip "qaammatip naanissaanut" kalaallisuuani ilaannginneranut tunngatillugu) naapertuutinnngitsoqarnera paasineqarsimalluni. Tamanna assigiinngissut siunnersuutitigut iluarsineqarpoq.

Nr. 9-mut

§ 38, imm. 4-mik (siunnersuummi § 1, nr. 10 takuuk) ikkussinerup kingunerisaanik Inatsisartut inatsisaanni § 38, imm. 2-mi innersuussinnermi imm. 3 aamma 4 ilanngunneqarput.

Nr. 10-mut

§ 38, imm. 2-mit takuneqarsinnaavoq ilinniartup ilinniarnini, atuarfimmiinnini, ilinniarnermut atatillugu suliffimmiinnini naammassippagu imaluunniit ilinniarnini unitsiinnarpagu, ilinniartup ilinniartut inaannit ilinniarnernup, atuarfimmiinnerup imaluunniit ilinniarnermut atatillugu suliffimmiinnerup imaluunniit unitsitsinerup kingorna kingusinnerpaamik ulluinaat 10-t qaangiutsinnagit qimassimassagaa.

Soraarummeerneq kingulleq naammassineqarpat taassumalu inernera tiguneqarpat ilinniarneq naammassineqartutut isigineqassaaq. Soraarummeerluni naammassineq pissutigalugu ilinniarneq naammassineqarneq ajorpoq, tassa soraarummeerluni naammassineq ilinniarnernup ilaatut isigineqanngimmat kisianni ilinniarfimmi nalliuttorsiornerulluni imaluunniit aaqqissuussinerulluni, aamma ilinniartup ilinniarnerninik naammassinninneranik malunnartitsisuulluni. Soraarummeerluni naggataarneq ilinniarnernup naammassinerata kinguinngua nalinginnaasumik ingerlanneqartarpoq.

Ilinniartup soraarummeerluni naammassineranut atatillugu imm. 2-mi piumasaqaammit saneqqussinissamut Naalakkersuisut piginnaatinneqarnissaat tulluurtutut isigineqarpoq. Aalajangersakkamik saneqqussisinaanermut piginnaatitsissut taamaallaat sivikitsuinnarmik piffissalerneqarnissaa naatsorsuutigineqarpoq, aalajangersagaq ilinniartup soraarummeerluni naammassineranut atatillugu atorineqartussaammat. Piginnaatitsissut ilinniartup qinnuteqarnerani pilersinneqarsinnaassasoq naatsorsuutigineqarpoq.

*§ 2-mut*

Siunnersuutigineqarpoq Inatsisartut inatsisaat ulloq 1. Januar 2024-mi atulersinneqassasoq, inatsisartut inatsisaata akuerineqarnerata kinguinnguani inatsisartut inatsisaata atulersinnissaa siunertaralugu.

<b>Siunnersuut inatsimmut atuuttumut sanilliullugu</b>	
<i>Oqaasertaliunneqartut atuuttut</i>	<i>Siunnersuut</i>
	<b>§ 1</b>  Ilinniartut ineqarfii pillugit Inatsisartut inatsisaanni nr. 42, 12. december 2019-meersumi, Inatsisartut inatsisaatigut nr. 3, 25. maj 2022-meersukkut allanngortinneqartumi uku allanngortinneqarput:
§ 1, imm. 2: <i>Imm. 2.</i> Taaguutigineqartumi ilinniartut allaneersut paasineqassaaq ilinniagaqartut minnerpaamik ilinniakkamik aallartitsinnginnermi ukiuni 2-ni illoqarfiup ilinniagaqarfiusussap avataani inuit allattorsimaffianni nalunaarsorneqarsimasut.	<b>1.</b> § 1, imm. 2, imatut oqaasertalerneqarpoq: " <i>Imm. 2.</i> Taaguutigineqartumi ilinniartut allaneersut paasineqassaaq ilinniagaqartut ilinniarnep aallartinnissaa sivikinnerpaamik ukiut 2-t sioqullugit kipisuitsumik illoqarfiup ilinniarfiusup avataani najugaqartutut inuit allattorsimafianni nalunaarsorneqarsimasut."
	<b>2.</b> § 4-mi, imm. 7-tut ilanngunneqassaaq: " <i>Imm. 7.</i> Ilinniartup toqunerani aappaasoq inooqataasorluunniit piffissami qaammatit 4-t tikillugit ilinniartunut inissiami najugaqaannarsinnaatitaavoq."
§ 5: <b>§ 5.</b> Ilinniagaqartoq illoqarfimmi ilinniagaqarfimmini allamik inimik atugassaqtitaasoq, imaluunniit aapparisaq imaluunniit inooqatigisaq suliffimminut atatillugu ineqartinneqarpat, pisinnaatitaanngilaq ilinniartutut inissamik atugassinneqarnissamut, imaluunniit atugarisaminik tigumminiinnarnissamik. Tamanna aamma atuuppoq sulisitsisoq sungiusaammik suliffeqarnermut atatillugu inissaqartitsippat ilinniagaqartumut, imaluunniit ilinniagaqartup ineqartinneqarnissamik pisariaqartitsinera nammineq pisariaqartitanik aallaaveqarpat.	<b>3.</b> § 5 ima oqaasertaqassaaq: " <b>§ 5.</b> Ilinniartoq illoqarfimmi ilinniagaqarfimmini allamik inimik atugassaqtitaasoq imaluunniit aapparisaq inooqatigisarluunniit suliffimminut atatillugu ineqartinneqarpat, ilinniartut ineqarfianni inimik atugassinneqarnissamut imaluunniit atugarisap tigummiinnarnissaanut pisinnaatitaanngilaq. Taamaaqataanik atuuppoq sulisitsisoq suliffimmik misiliinermik isumaqatigiissummut atasumik ilinniartup atugasaanik inissiaqartitsippat, imaluunniit inimik pisariaqartitsineq ilinniartup nammineq pisariaqartitaanik aallaaveqarpat."
§ 6, imm 1: Ilinniartoq ilinniagaqartunut inissiamik tunineqarsinnaajumalluni, tamatumalu atuinnaarsinnaaneranut Naalakkersuisunut nalunaaruteqassaaq paasissutissanik tamanik,	<b>4.</b> § 6, imm. 1, imatut oqaasertalerneqassaaq: " <b>Ilinniartoq ilinniagaqartunut inissiamik tunineqarsinnaajumalluni, tamatumalu atuinnaarsinnaaneranut Naalakkersuisunut nalunaaruteqassaaq paasissutissanik tamanik,</b>

<p>inissamik tunineqarnissamut imaluunniit inigisamik tigumminniinnarnissamut pisariaqartunik, tamatumunngalu akiliuteqartarnermut pisariaqartunik, tamatumani aamma inimik pisariaqartitsinermit paasissutissanik, inuup normuanik aamma inoqutigiinni ilaasut tamarmik atiinik, inoqutigiit isertitaannik, ilinniakkamik sumi tiguneqarsimanermik, ilinniakkamik ingerlatsinermik, aamma illoqarfiup ilinniarfiup avataani najugaqartarnermik.</p>	<p>inissamik tunineqarnissamut imaluunniit inigisamik tigumminniinnarnissamut pisariaqartunik, tamatumunngalu akiliuteqartarnermut pisariaqartunik, tamatumani aamma inimik pisariaqartitsinermit paasissutissanik, naalagaaffimmi innuttaaneq, inuup normuanik aamma inoqutigiinni ilaasut tamarmik atiinik, ilaqutariinnermi paasissutissat aamma inoqutigiit isertitaannik, ilinniakkamik sumi tiguneqarsimanermik, ilinniakkamik ingerlatsinermik aamma illoqarfiup ilinniarfiup avataani najugaqartarnermik."</p>
<p>§ 17, imm 1:  Ilinniartumut inissiamik atugassiinermi isiginiarneqassapput ilinniartumut inissami ineqartumut malinnaasut inoqutigiit, ilinniagaqartup meerai 18-it inorlugit ukioqarpata, aappaa imaluunniit inooqatigisaa pisinnaatitaammata akiliunneqarlutik angalasinnaanermut, tamatumunnga malittarisassat ilinniagaqarnermut malittarisassani naapertorlugit, taamaattoq tak. imm. 2.</p>	<p><b>5.</b> § 17, imm 1, imatut oqaasertalerneqassaaq:  " Ilinniartut ineqarfianni inissiamik atugassiisoqarnerani ilinniartut ineqarfianni najugaqartumut peqataasut inoqutigiit amerlassusaat sillimaffigineqassapput, ilinniartup meerai 18-it inorlugit ukiullit, aappaa inooqataaluunniit ilinniagaqarnermut tamanna pillugu malittarisassat naapertorlugit akiliunneqarlutik angalasinnaatitaappata, taamaattorli tak. imm. 2."</p>
<p>§ 23, imm. 1, nr. 1-2:  1) ilinniartut ineqarfiat misissorniarpasuk, allanguutaasimasinnaasut takujumallugit,  2) aserfallassimassutsimik nakkutilliinermi,</p>	<p><b>6.</b> § 23, imm. 1, nr. 1-2, ima oqaasertalerneqassaaq:  "1) ilinniartut ineqarfiat atugassiissutigineqartumit malittarisassat uniorlugit atorneqarnersoq paasineqarnissaa siunertaralugu misissorneqarpat,  2) aserfallatsaaliinerup qanoq issusianik nakkutilliisoqarnerani,</p>
<p>§ 34, imm. 1, oqaaseqatigiit aappaat:  Tamannali atuutissanngilaq ilinniartup illoqatigisaani inoqutigiinni ilaappata meeqqat 18-it inorlugit ukiullit, aapparisaq imaluunniit inooqatigisaaq, akiliunneqarlutik angalasinnaatitaasut,  ilinniagaqarnermut malittarisassat atuuttut naapertorlugit.</p>	<p><b>7.</b> § 34, imm. 1, oqaaseqatigiit aappaat, imatut oqaasertalerneqassapput:  "Tamannali atuutissanngilaq ilinniartup najugaqatigisaani inoqutigiinni ilaappata meeqqat 18-it inorlugit ukiullit, aapparisaq imaluunniit inooqatigisaaq,  ilinniagaqarnermut malittarisassat atuuttut naapertorlugit akiliunneqarlutik angalasinnaatitaasut, , inoqutigiit tamarmik ilinniartup ilinniarnermut atatillugu</p>

	suliffimmiikkallarnerani imaluunniit atuarfimmiikkallarnerani ilaanngippata.”
<p>§ 36, imm 1:  <b>§ 36.</b> Taamaatitsineq ilinniartut ineqarfianni najugaqartup tungaaniit pissaaq allaganngorlugu minnerpaamik qaammammik ataatsimik siumoortumik ilisimatitsinikkut, attartornermut isumaqatigiissutaasumi sivikinnerusumik piffissaliisoqanngippat.</p>	<p><b>8.</b> § 36, imm. 1, imatut oqaasertalerneqarpoq:  “ <b>§ 36.</b> Ilinniartut ineqarfianni najugaqartup tungaaniit taamaatitsineq sivikinnerpaamik qaammat ataaseq sioqqullugu qaammatip naanissaanut allakkatigut ilimasaarinikkut pissaaq, attartorneq pillugu isumaqatigiissummi sivikinnerusumik ilimasaarisoqarnissaanik aalajangersaasoqarsimanngippat.”</p>
<p>§ 38, imm 2:  <i>Imm. 2.</i> Ilinniakkamik, ilinniarfimmiinnermik, sungiusaammik suliffeqarnermik naammassisaqarnermi, ilinniarfimmi ilinniakkamik taamaatitsinermi ilinniartut ineqarfianni najugaqartoq nooreersimassaaq ulluinnaat 10-t qaangiutinnginnerini, ilinniakkap, sungiusaammik suliffeqarnerup imaluunniit uninnerani imaluunniit taamaatinnerani, taamaattoq tak. imm. 3.</p>	<p><b>9.</b> § 38, imm. 2-imi, “taamaattorli tak. imm. 3”, imatut allanngortinneqarpoq “taamaattorli tak. imm. 3 aamma 4.”</p>
	<p><b>10.</b> § 38-imi una imm. 4-tut ilanngunneqassaaq:  <i>"Imm. 4.</i> Ilinniartup soraarummeerluni naggataarneranut atatillugu imm. 2-mi piumasaqaatip saneqqunnissaanut Naalakkersuisut piginnaatinneqarput."</p>
	<p style="text-align: center;"><b>§ 2</b></p> <p>Inatsisartut inatsisaat 1. januar 2024-mi atuutilissaaq.</p>

## Ilanngussaq 2

Siunnersuut tusarniaavigisartakkanut ukununnga ulluni 30. juni-miit 28. juli-mut 2023-mi tusarniaassutigineqarpoq:

Avalak

Pitaq

KIK (Kalaallit Ilinniagaqartut Kattuffiat)

SIK

Kalaallit Sulisitsisut

GU-Aasiaat

HTX-Sisimiut

GU-Nuuk

GU-Qaqortoq

HHX-Qaqortoq

NUSUKA

IMAK

Saviminilerinermik Ilinniarfik

Sanaartornermik Ilinniarfik

INULI

Imarsiornermik ilinniarfik

NI-Nuuk

NI-Qaqortoq

Peqqissaanermik Ilinniarfik

Savaatilinnigorniarniat atuarfiat

Kalaallit Nunaanni Inuussutissarsiutinut Ilinniarfiit, KNII

ASG (Akademikernes Sammenslutning i Grønland/ Ilinniagartuut Kattuffiat)

Ilisimatusarfik

Socialpædagogisk Seminarium (Perorsaanermik Ilinniarfik)

Eqqumiitsuliornermik Ilinniarfik

Isiginnaartitsisunngorniarfik

Taakku saniatigut siunnersuut Naalakkersuisut tusarniaassutigisaminnut nittartagaanni piffissami tassani pissarsiarineqarsinnaasimavoq.

Tusarniaanermut piffissaliussap naanerani tusarniaanermut akissutit ukuninngaanniit tiguneqarsimapput: Kalaallit Nunaanni Sulisitsisut, Nunatta Isiginnaartitsisarfia, SIK aammalu Ilisimatusarfik.

Tusarniaanermi paasinarsivoq, siunnersuut siamasissumik tapersorneqartoq.

Kalaallit Nunaanni Sulisitsisut

Siunnersuummut oqaaseqaatissaqanngilaq.

Nunatta Isiginnaartitsisarfia

Oqaaseqaatissaqanngilaq allannguutillu isumaqataaffigalugit

SIK

Siunnersuummik tapersersuivoq.

Ilisimatusarfik

Ilisimatusarfiup siunnersuutigineqartut ilinniartuminnut iluaqutaasussaammata ataatsimut isigalugit isumaqataaffigai.

§ 38-p allanngortinneqarnissaanut siunnersuut Ilisimatusarfimmit iluarineqarpoq, tamanna Ilinniagaqarnersiuteqartitsivimmumt kissaatigineqarnikummat.

Ilisimatusarfik ilisimatitsivoq, ilinniartut ilinniartut ineqarfiini najugaqartut ilinniartunut siunnersortinit ilinniarnermik ingerlataqartut uppersarneqarunik najugartik sivitsorlugu tigummisinnaasaraat. Ilisimatusarfik ilisimatitsivoq, ilinniarnermik aqqissuussinerit maanna nutarterneqartut, piffissarlu ilinniarfiusoq ilinniarnermik aqqissuussinernut ilanngunneqartussanngorlutik. Tassunga atatillugu oqaatigineqassaaq, ilinniartut ineqarfii pillugit inatsimmi § 4 imm. 4 naapertorlugu ilinniartut ineqarfianni ineqartup ilinniakkamik ingerlatsisuunissamik piumasaqaammik naammassinnikkunnaarpat, malittarisassat tamatumunnga atuuttut naapertorlugit, taava Naalackersuisut aalajangersinnaapput ilinniartut ineqarfianni ilinniartoq najugaqartoq piffissami qaammatit 4-t angullugit sivilissusilimmi ineqarfimminiiginnarsinnaasoq, pissutsit immikkut ittut tamanna pisariaqartippassuk, tamatumanissaaq ilinniarfiup uppersarparpagu ilinniartoq ineqarfimmi ineqartuusoq, naak malittarisassanik pineqartunik naammassinninngikkaluarluni, sulii ilinniakkaminik aallussisutut isigineqarsinnaasoq.